



八旗通志初集卷之一百四十三

名臣列傳三

鑲黃旗滿洲世職大臣三

佟養正

佟圖賴

佟國綱

雅希禪扎爾固齊

伯父黑東額扎爾固齊
父倪馬禪 弟溫都禮

子襲哀

內爾特

弟拉都渾

吳善

父噶蓋扎爾固齊

卜善

子誇渣

顧爾布錫額駙

鄂齊爾

弟松江叔父達賴

伊勒慎

子朗圖

納爾察

八旗通志

卷一百四十三

名臣列傳三

一

初集

胡沙

吳沙

覺羅拜三

覺羅顧納岱

覺羅莫洛宏



佟養正漢軍鑲黃旗人。原籍滿洲。姓佟佳氏。因其祖達爾哈齊客遊明遼東邊境。遂寓居開原。稍遷撫順。天命四年。大兵征明。克撫順城。養正來歸。

太祖高皇帝嘉之。六年。從征遼陽。以功授遊擊世職。奉命駐守朝鮮界之鎮江城。是年秋七月。城守中軍陳良策與居民。潛通於明將毛文龍。令別堡之民詐稱兵至。大呼噪。城中驚擾。良策乘亂執養正。殺其子豐年。併從者六十人。叛投文龍。養正抗節不屈。遂被害。雍正元年。

八旗通志

卷一百四十三

名臣列傳三

二

初集

詔追贈光祿大夫一等公。又加贈太師。諡忠烈。崇祀昭忠祠。初養正以其祖流寓明撫順地方。比歸本朝。遂與諸漢人歸命者。同隸漢軍旗分。康熙二十七年。養正孫國綱時已因

孝康皇太后推恩自出。追封養正子定南將軍圖賴爲一等公。以國綱承襲公爵。任內大臣。稱爲國舅。上疏陳

奏。言臣家本係滿洲。緣臣高祖達爾哈齊貿易故明邊境。明人誘入開原。比

太祖高皇帝遣使入明。臣叔祖養性備述家世。求使臣

代

奏。卽蒙

太祖恩諭。朕福金係佟佳氏塔本巴顏之女。爾佟姓兄弟分散入漢之故。朕知之久矣。未幾大兵克取撫順。將臣族人居於佛阿拉地方。不加差役。臣叔祖養性得尚宗女。

賜號詩武里額駙。令與佟佳氏之巴都里孟阿圖諸大臣考訂支派。敘爲兄弟。臣家族籍旣明。懇祈

睿鑒。改隸滿洲。得

旨。該部議奏。本月十一日。戶部覆奏。言舅舅佟國綱等。

八旗通志

卷一百四十三

名臣列傳三

三

初集

查係滿洲。理應將伊及族人歸入滿洲旗分。但查漢軍鑲黃旗舅舅國綱佐領。及伊族人在漢軍正藍旗之十二佐領。在鑲紅旗三佐領。共壯丁八千四百三十一名。內現任文武官一百八十六員。候補官并監生一百九十五員。若將伊等俱歸併滿洲旗分。則漢軍旗下壯丁缺少。應將舅舅國綱等。仍留於漢軍旗下。現今滿洲有授爲漢軍副都統叅領之例。佟氏族內文武官員。仍留現任。照例陞轉。其編審冊內。俱開爲滿洲可也。

詔從所議。後

三朝國史開館纂修

聖祖仁皇帝欽定滿洲功臣一百一十五人。養正子佟圖賴。與正白旗二等伯石廷柱並與焉。廷柱亦本籍滿洲。因先曾仕明。而編入漢軍旗分者也。佟圖賴一名盛年。贈太師佟養正季子也。初襲父遊擊世職。天聰五年。從

太宗文皇帝征大凌河。擊明兵備道張春援兵。首先陷陣。以功加世職爲二等叅將。崇德三年。授兵部右叅政。五年。從睿王多爾袞征明圍錦州。率四旗紅衣礮取白官兒屯臺。六年。從鄭親王濟爾哈朗圍錦州。取金塔口三臺。七年。圍錦州有松山騎兵來奪我紅衣礮。率本旗兵擊敗之。又敗山口步兵。攻克塔山杏山附近諸臺。併克二城。論功加授一等甲喇章京世職。陞任本部承政兼固山額真。八年。同大兵取前屯衛中後所二城。加世職半箇前程。順治元年六月。同固山額真巴哈納。石廷柱。招降山東四府七州三十二縣。時有故明三河令。據德州自稱濟王。鑄印起兵。不納我

八旗通志

卷一百四十三

名臣列傳三

四

初集

朝新置州牧。圖賴以兵擒之。送至京師。七月攻太原府。方周視形勢。城中步兵突出。擊敗之。指揮紅衣礮進攻。遂下太原。招降九府二十七州一百四十一縣。二年。從定國大將軍豫親王多鐸南征。同墨爾根侍衛李國翰毀流賊柵於黃河岸上。併敗其後營。獲船十五隻。平定河南。五月。至江南。故明高太監舟師。由揚子江順流而下。圖賴同固山額真吳守進等擊之。獲船三十二隻。又以紅衣礮攻揚州府嘉興府等城。皆克之。加世職爲二等阿思哈尼哈番。五年。授定南將軍。率左翼兵駐防寶慶。時寶慶已爲賊陷。冬十月。進兵恢復之。捷聞。下所司議敘。六年。鄭親王濟爾哈朗爲定遠大將軍征湖廣。圖賴分兵趨衡州。距城三十里。遇賊兵千人屯橋上。擊敗之。又破僞總兵陶養用於石橋門。斬養用。僞伯胡一清。列七營於城南山。率兵進擊破之。又擊僞副將於望公嶺山峪口。連破之。一清復率衆萬人。距廣西全州三十里。立六營。又擊破之。遂下全州。十二月。還駐衡州。賊攻常寧縣。遣牛彖章。京陳天謨等。破之於石鼓洞。斬僞總兵副將二

人。圖賴生長行間。孰諳兵法。與士卒同甘苦。故所向克敵。身經百戰。體遍創痕。七年九年。疊奉恩詔。累加世職。至三等精奇尼哈番。世襲罔替。十三年以疾乞休。

世祖章皇帝念其勞績素著。命加太子太保解任。十五年卒。年五十三歲。

予祭葬。諡勤襄。康熙元年。

聖祖仁皇帝卽位。覃恩贈少保兼太子太保。十六年。以圖賴係

孝康皇太后之父。

八旗通志

卷一百四十三

名臣列傳三

六

初集

特封一等公。世襲罔替。雍正元年。

誥贈太師。二年七月。

勅建專祠。春秋祭祀。

御書祠額曰。功宗元祀。又書聯句懸於堂柱。以其子國綱。國維。耐食。國維見諡法名臣傳。

佟國綱。一等公。佟圖賴長子。初任一等侍衛。康

熙元年。襲父三等精奇尼哈番世職。十六年。因

孝康皇太后推恩。伊父佟圖賴追封一等公。以國綱承

襲。旋任內大臣兼漢軍都統。十三年。逆藩吳三

桂耿精忠反。海內騷動。十四年三月。察哈爾布

爾尼亦率衆作亂。於是調入山西內地之蒙古。亦有叛逃出口者。四月。駐防山西叅領舒什蘭疏報。言奉調宣府左翼四旗察哈爾鎮大同。今其衆譁毀邊牆私遁。

聖祖仁皇帝因命散秩大臣綽爾濟杜爾麻等率八旗章京侍衛賫勅往撫。綽爾濟等旋疏報。臣等至張家口。詢關吏據云。是月二十七日。察哈爾兵至鄂西奚地方。將

御馬厰并諸大臣牧馬人役附近旗下蒙古婦女

牲口盡行掠去。及臣等至齊澇地方。遣一等待

八旗通志

卷一百四十三

名臣列傳三

七

初集

衛阿南等前進。遇察哈爾被脅四人。遂擒以歸。其言亦如之。臣等欲竟將

勅諭送往。恐此輩無知。止將

詔旨大畧錄寫。卽令擒來二人齎送。尋奉

聖祖特諭。察哈爾兵如此狂悖。應發兵防禦。其授內大臣舅舅佟國綱爲安北將軍。率兵往鎮宣府。令護軍統領傑殷副都統恰塔偕往。以散秩大臣綽爾濟杜爾麻爲署都統。並預叅贊。國綱旣至山西。宣布

聖諭。整飭邊防。人心帖然。特以爲安。而是月撫遠大將軍信郡王鄂札等。已擊破布爾尼。平定察哈爾

地方。

朝廷又遣一等待衛奇塔特招撫叛逃察哈爾蒙古邊事寧謐。五月奉

旨以署副都統吳丹用建威將軍印鎮守太原。

命國綱還京師。二十九年厄魯特噶爾丹蠢動。七月。

聖祖命裕親王福全爲撫遠大將軍。率師往討。國綱與弟國維並以內大臣同行參贊軍務。兵至烏闌布通遙見賊兵據樹林內。臥駱駝爲陣。國綱率火器營官兵奮勇進擊。直逼賊陣。賊兵有伏於駱駝後者。潛以鳥鎗擊中國綱。遂歿於陣。我左翼兵從山腰捲入。大破賊兵。事平議卹。部臣以國綱身任一等公。無可加贈。

八旗通志

卷一百四十三

名臣列傳三

八

初集

聖祖特旨。令仍別給世職。遂議加給拜他喇布勒哈番。又一拖沙喇哈番。以其第三子夸岱襲。

賜祭四壇。立碑墓道。諡曰忠勇。

聖祖御製碑文以賜。文曰。朕惟自昔勳舊之臣。乃心王室。平居恪勤職事。左右宣勞。一旦奉揚威命。而忠不辭難。勇不避險。鴻名駿烈。焜耀無窮。史冊所書。良足嘉歎。爾佟國綱。賦性貞純。秉心淵塞。親居元舅。而敬以持躬。位列上公。而謙能服物。入則虔恭宿衛。出則

筦領禁軍。偉量夙重於巖廊。令聞允孚於寮案。廼者小醜構爭。近逼邊圉。三軍聲討。簡佐元戎。爾乃慷慨厲兵。赴桓敵愾。屬賊鋒之旣挫。將棄壘以潛奔。爾猶擐甲直前。提戈獨進。銳志彌堅。金石壯氣逾薄。虹霓誓掃陸梁。永清朔漠。豈期上將。遽殞師中。夫爾以肺腑之親。心膂之寄。秩崇望峻。勞久勲高。假令偕衆旋軍。亦可從容奏凱。而爾義存奮激。甘蹈艱危。人盡如是。寇奚足殄。易曰。君子以致命遂志。傳曰。殺敵爲果。致果爲毅。惟忠生勇。爾實兼之。循行易名。洵無愧矣。於戲。典禮加隆。榮哀悉備。英風震於邊徼。勁節炳若八旗。通志

卷一百四十三

名臣列傳三

九

初集

丹青。九原有知。應無遺憾。惟朕倦思懿戚。篤念老成。身後追褒。久而滋痛。特命所司。勒文墓石。昭朕無已之懷。亦俾後之人。知所激勸焉。子三人。鄂倫岱。襲公爵。仕至內大臣。緣事正法。次法海。夸岱。並仕至尚書。夸岱之子。納穆圖。襲公爵。現任散秩大臣。鑲黃旗漢軍都統。雍正元年。

世宗憲皇帝推恩。勅立家廟。加贈國綱太傅。旋崇祀昭

忠祠。

雅希禪扎爾固齊。滿洲鑲黃旗人。世居馬佳地方。以地爲姓。其伯父黑東額。率同村五十五人。

於

國初來歸。

太祖高皇帝嘉其首先慕義。授一等副將世職。所在宣力。屢立戰功。擢置於扎爾固齊之列。天命年間。卒。弟倪馬禪。卽雅希禪父也。初襲兄世職。緣事革去。尋以從征界凡。商堅哈達。遼東諸處。並有功。復授備禦世職。尋卒。倪馬禪二子。雅希禪居長。因自立功績。已有世職。以其弟溫都禮襲父世職。天聰七年。溫都禮從征錦州有功。加半箇前程。雅希禪生而英勇。屢從征伐。初以功授備禦世職。尋繼其伯父進十扎爾固齊之列。從征界凡。超衆先進。征商堅哈達。衝入敵陣。破敵大營。加世職爲二等叅將。天命六年。從征遼陽有功。加世職爲三等副將。雅希禪所至先登陷陣。從征沙嶺時。率本旗兵先進受傷。八年。從征扎魯特昂安貝勒。同達音布當先破敵。緣事降世職爲一等叅將。年五十一歲卒。順治十二年。

世祖章皇帝追念開國功臣。以雅希禪列在二十四大臣。

賜諡敏果。祭葬如典禮。立碑墓道。子三人。長龔袞。初龔

八旗通志

卷一百四十三

名臣列傳三

十

初集

父一等叅將世職。緣事降去一備禦。崇德四年。從征撒哈連烏喇。擊其將說臣兵。力戰陣亡。以其弟拉都渾分襲牛朶章京世職。

內爾特雅希禪次子也。初分襲兄襲袞備禦世職。天聰五年。從征明攻錦州。有明兵駐扎小凌河口。內爾特同侍衛擊敗其衆。直抵錦州城下。六年。從大兵征察哈爾。由大同入明邊。破小石城。率善射者攻克之。又隨鄭親王濟爾哈朗。往畧明邊地。斬其放牧兵。崇德五年。從大兵圍錦州。擊敗杏山兵。七年六月。補刑部叅政。復從大兵圍錦州。擊松山馬步兵。敗之。又以步戰擊敗鎗柵步兵營。七月。兼管梅勒章京。時左右翼兩路兵。會擊明松山馬兵。松山兵夜遁。內爾特同鰲拜巴圖魯赴塔山南海岸。先敵而至。夜擊明兵。各戰至天明。敵兵據立山上。內爾特奮擊敗之。追迫溺水者無算。八年。從奉命大將軍阿巴泰征明。入邊之日。擊敗明馬總兵。軍至渾河。造橋以渡。明范軍門率馬步一千餘來拒。內爾特率本固山兵敗之。旋聞三河縣有敵兵。卽往追擊。敵兵遁走。隨大兵至山東。攻武定州。指揮所

部兵攻克其城師還至邊口。聞我兵看守紅衣
礮人。被敵所傷。卽同準塔往援。擊敵步兵二營。
俱敗之。又擊明吳總兵馬步軍。力戰陣亡。年三
十八歲。十月追敘前功。加世職爲三等甲喇章
京。弟拉都渾。早歲卽從父兄征戰。天聰八年。隨
大兵征明大同。出左衛邊口。同圖魯什碩翁科
洛巴圖魯擊敗敵兵。生擒一人。又同圖魯什碩
翁科洛巴圖魯吳拜往捉生。擒一人。又斬一人。
尋以吳納錦雅布蘭二人不相應援。奪二人俘
獲人口。

八旗通志

卷二百四十三

名臣列傳三

三

初集

賜拉都渾。九年。大兵往收察哈爾遺民。拉都渾追敵哨
卒。生擒一人。崇德元年。隨英親王阿濟格征明。
遣往看山海關形勢。卽於中前所埋伏。當先擊
敵。生擒敵執燾一人。敵兵來襲我兵後。同席特
庫擊敗之。追錦州敵哨。斬一人。又於中後所同
努山前往巡哨。生擒一人。五年。大兵圍錦州。拉
都渾隨左翼兵進擊。先衆衝入。是年襲其兄龔
袞之牛泉章京世職。六年圍錦州。同吳拜往捉
生。遇蒙古步兵十六人。斬其二人。力戰而歿。六
年議卹。加贈半箇前程。

吳善滿洲鑲黃旗人。父名噶蓋。

太祖高皇帝朝。在扎爾固齊之列。初奉

諭招降趙佳城之寧古秦章京有功。癸巳年。同額亦都

巴圖魯碩翁科洛巴圖魯三人。督兵千人。圍訥

殷佛多和寨。攻擊三月下之。斬其渠帥搜穩塞

克什。戊戌年。

太祖復命同褚燕台吉。巴雅喇台吉費英東扎爾固齊。

統兵一千。征安褚拉庫路。星馳而往。取屯寨二

十餘所。將所屬人民盡招徠之。己亥年。哈達國

孟格布祿貝勒與葉赫國納林布祿貝勒構兵。

八旗通志

卷一百四十三

名臣列傳三

三

初集

孟格布祿力不能敵。來乞援。

太祖命同費英東扎爾固齊統兵二千。助哈達駐防其

地。事平班師。奉

勅同厄爾德尼巴克什。仿蒙古文編作滿洲文。事竣。值

哈達孟格布祿貝勒謀逆事覺。以噶蓋扎爾固

齊向與孟格布祿交厚。牽連正法。吳善其長子

也。時任副將世職。天命九年。明總兵毛文龍渡

朝鮮義州城西鴨綠江。入島屯田。

太祖命吳善同梅勒額真楞額禮。引兵一千襲之。途中

獲間諜。告以明兵晝則渡江。入島收穫。夜則收

兵渡江。宿義州江岸。吳善乘夜進兵。由山僻處潛行。平旦度明兵已渡江。縱兵疾馳。明偵者未及聲礮。舉烽燧。我兵已渡鎮江支流。突至其島。明將士大驚。悉潰走。吳善等登陸地追逐。斬五百餘級。其餘爭舟墮水。盡溺而死。我兵盡焚島中之糧而回。

太宗文皇帝嗣位。置十六大臣理事。吳善與焉。崇德元年。

太宗特命馬福塔等。送參至朝鮮義州。償還交易貨物。路獲明哨卒問之。云有遊擊四員。率兵二千。入

八旗道志

卷一百四十三

名臣列傳二

十四

初集

讎場。馬福塔等即率百人往躡其後。仍一面

奏聞。

太宗即命吳善同季思哈率每旗章京二員。兵五百名。星夜馳往讎場助之。大破明兵。三年七月。擢工部右叅政。九月。從睿親王多爾袞征明錦州。大同等處有功。陞本部承政。緣事革職。孫瓦爾達仕至副都統。

卜善。吳善之弟。早隨父兄在戎行。著有勞績。崇德五年。六年。並從征明錦州松山。八年。攻中後所等處。並在事有功。授牛錄章京。世職。累任至

燾章京。以疾卒。子誇渣襲職。誇渣以本身軍功。及遇三次。

恩詔。加至一等阿達哈哈番。官至都統。

顧爾布錫額駙。滿洲鑲黃旗人。姓博爾濟吉特氏。世居薩喇木藍地方。原係蒙古喀爾喀貝子。太祖高皇帝時。率所屬六百戶。先衆來歸。尚和碩公主。授三等總兵官世職。崇德六年。從征錦州。敗敵於寧遠。順治元年。從大兵入山海關。擊流賊。俱有功。加世職爲二等昂邦章京。遇

恩詔。加爲一等精奇尼哈番。仕至兵部尚書。十八年正

八旗通志

卷一百四十三

名臣列傳三

五

初集

月卒。年六十五歲。子四人。

鄂齊爾。顧爾布錫額駙長子也。初任牛叅章京世職。從大兵南征。渡黃河。克淮安。論功加一拖沙喇哈番。緣事革去所加。尋遇

恩詔。由所襲世職。加爲三等阿達哈哈番。仕至梅勒章

京。鄂齊爾第四弟松江。以七品磨生。從征逆藩

吳三桂有功。授拖沙喇哈番世職。鄂齊爾有叔

父曰達賴者。顧爾布錫額駙親弟也。初同兄率

所屬來歸。因授備禦世職。崇德五年。從大兵征

明。攻錦州。擊寧遠木城兵。以步戰直入其陣。論

功陞世職爲三等甲喇章京。

伊勒慎滿洲鑲黃旗人。姓費莫氏。世居薩齊庫地方。初烏喇兵來攻薩齊庫。盡降其衆。伊勒慎獨率六戶來歸。於是族人悉爲烏喇所害。

太祖高皇帝戊申年。征烏喇。命伊勒慎之兄古蘇招降浮城側睦忒黑人。烏喇復殺古蘇子弟六人。執其妻孥。

太祖念其家以歸誠被害。授伊勒慎備禦世職。尋從大兵征明有功。加爲三等叅將。又以沙嶺戰功。加爲二等叅將。

八旗通志

卷一百四十三

名臣列傳三

十六

初集

太宗文皇帝命守海州。擊敗明兵二次。獲船十隻。殺五十餘人。擒送三十餘人。天聰七年。岳託貝勒令往截取敵人船隻。獲船二隻。殺十二人。擒六人。解至瀋陽。又往牛莊海州。獲船八隻。殺四十四人。擒三十一人。解至瀋陽。九月。從征旅順口。主兵二貝勒。委以船隻。不違指示。殺敵有功。加世職爲一等叅將。九年二月。伊勒慎赴海州河上遊哨。探見明人船二十二隻。停泊。遂率所部兵乘六小船直入。斬擊五十三人。生擒十七人。獲船二十隻。及軍器等物。遂以捷聞。五月。明人自

錦州乘船入海。至遼河界娘娘宮對岸捕魚。伊勒慎在牛莊。駕小舟追獲之。殺三人。生擒五人來獻。八月。駐防海州耀州。獲明漁船一隻。殺一人。生擒六人。崇德元年七月。駐守海州河口。聞明人捕魚船至。遂率甲士一百五十人。乘小舟自遼河而下。果遇三船。獲人三十二名。並緞疋等物以獻。

太宗以所獲賞同行將士。編其人爲民。九月。伊勒慎與同防守人烈列渾寨薩托克屯薩爾布等奏言。

臣等五人追敵。窺見娘娘宮渡口兩岸。皆有明八旗通志

卷一百四十三

各臣列傳三

七

初集

兵戰船。橫截遼河。約有百餘艘。臣等船小兵寡。難以進擊。因此暫退。現在烈列渾步兵在海州河口立營。牛莊守將寨薩在河岸立營。靠桑阿地方臺軍家口。盡行撤回。令其男子執火礮器械。立於旁相援。高柳樹路口。則伊勒慎自領步兵。在彼立營。猶恐敵人牽誘我兵。或侵犯他處。遣薩爾布遷移鹽場居人。其近邊居民。亦令遷移。又恐敵船逆流而上。臣等復駕小船。潛伏海州河口。防之因執所獲一明人送至。後明兵因防守嚴密。亦不敢犯。八年六月。伊勒慎仍駐防

海州河口。獲敵船七隻。生擒二十三人。溺死者二十一人。敘功加世職。爲三等梅勒章京。任兵部叅政。緣事革職。旋復職。仍

命鎮守海州。順治二年卒。年七十九歲。子朗圖。初以分得撥什庫管牛彖事。崇德四年。隨征薩哈連烏喇。有敵兵來犯我營。朗圖力戰陣亡。五年議卹。贈牛彖章京世職。

納爾察滿洲人。原隸鑲紅旗。改隸鑲黃旗。姓鈕祜祿氏。世居蘇克蘇許河之安圖地方。

太祖高皇帝時。以軍功授備禦世職。累官梅勒章京。在十六章京之列。戊申年。從征烏喇。攻伊罕阿林城。奮勇先登取之。加世職爲遊擊。旋因攻沙嶺城。不待大兵。奮勇獨進。遂中傷歿於陣。順治十三年。追諡開國功臣。

世祖章皇帝以納爾察宣力行間。著有勞績。衝冒鋒鏑。捐軀盡瘁。特追諡端壯。立碑墓道焉。

胡沙。納爾察次子。初襲備禦世職。天聰六年。從大兵征明。至大同。遇敵騎四百。同圖魯什碩翁科洛巴圖魯敗之。抵崞縣。擊敗敵兵六十人。崇德三年。隨揚威大將軍貝勒岳託征明。同拜率

八人前往哨探。遇何副將騎兵三百。卽奮擊敗其衆。又隨左翼前鋒。擊北京馬兵五百。同羅什奮勇先進。明黃總兵領兵七百來戰。又率本固山前鋒進擊。並敗之。明高太監兵來拒。胡沙同畢力克圖先登陷陣。六年。隨大兵圍錦州。誘擊敵兵。率固山前鋒。追至錦州城柵門。又同前鋒章京八人。誘擊松山馬兵。敗之。武英郡王阿濟格馳兵往攻松山。胡沙率鑲白旗阿里哈超哈及義州兵。追敵至杏山。殺其步兵三百餘人。時兩翼合兵進攻。左翼三固山。擊松山馬兵。胡沙率本固山前鋒。亦敗其馬兵。又隨武英郡王至杏山河。有寧遠馬兵一千。來探我前哨。胡沙卽同前鋒八章京。追入連山。殺三十人。獲馬三十二匹。又隨往寧遠沙河所。有敵兵五十騎。犯我牧所。同前鋒八章京追擊。併敗其援兵四百。又於捉生處追敵哨騎。共生擒三十六人。殺六人。七年。議敘前功。由牛彖章京世職。加半箇前程。尋從大兵往畧嶺口。同胡里布率固山前鋒在前。噶喇昂邦努山率衆在後。遇一守備馬步兵二百。擊敗之。生擒把總二人。獲馬一百五十八

匹人四十口。順治元年。隨睿王多爾袞入山海關。率本固山前鋒。同噶喇昂邦鄂碩。敗賊將唐通於一片石。又追流賊至安肅縣。殺賊甚衆。追至慶都縣。率固山前鋒。同噶喇昂邦席特庫。誘擊流賊。敗之。論功加世職爲三等甲喇章京。六月。隨固山額真葉臣。往平山西。至汾州府。率前鋒四十人前行。遇賊白侯兵。擊敗之。至榆林渡口。有流賊馬步兵千餘防守。胡沙同道喇擊敗之。奪其渡。進至陝西綏德州。同席特庫擊敗賊衆。又進至延安府。賊兵來犯。鑲黃正白二旗哨騎。亦同席特庫敗之。哈爾漢俄班。二將戰歿。胡沙衝入賊陣。取其屍以還。又同圖爾塞率甲士五十人前行。遇流賊六百。卽迎擊之。賊衆披靡。隨大軍至湖廣承天府。率固山前鋒乘船以戰。擊賊船取之。流賊邵章。以勇爲殿。胡沙率馬兵千人。追而敗之。東至九江口。同席特庫率前鋒二十人。前行捉生。擊敗流賊馬步千人。破其第二營。又敗賊於九公山。同蘇拜。希爾根。往覓賊踪。敗流賊馬步兵二千餘人。三年。從肅親王豪格征四川。至漢中府。擊敗流賊賀珍於楚河。又

同雅巴蘭安泰敗其馬步兵。又隨尚書覺羅巴哈納燾章京阿爾津往擊賀珍馬步兵於山巔。流寇八大王張獻忠親率賊兵迎敵。胡沙率本固山前鋒隨大兵敗之。有賊馬步兵據立山巔。同達素布葉希理馳上敗其衆。又同達素鄂莫克圖巴圖魯擊賊於山下。賊兵來援。卽同燾章京德爾黑迎擊之。衝至山上。大敗其衆。多羅貝勒尼堪回兵時。有賊尾其後。胡沙同鄂莫克圖巴圖魯擊却之。又遇僞王叅將馬步兵來戰。復同鄂莫克圖巴圖魯胡里布擊敗之。論功加世職爲二等甲喇章京。七年九年三遇恩詔。加至二等阿思哈尼哈番。尋緣事革去一拖沙喇哈番。降爲三等阿思哈尼哈番。累遷至蒙古都統。加一級。任議政大臣。康熙三年卒。

予祭葬如典禮。

吳沙。納爾察第三子。初任擺牙喇甲喇章京。順治元年。從大兵破流賊。二年。隨豫親王多鐸攻潼關。同乃格巴圖魯穆成格噶爾哈圖等擊賊於山上。連敗之。隨大兵至江南。追僞福王至蕪湖縣。又同碩克高淳縣。俱有功。五年。從征南

八旗通志

卷一百四十三

名臣列傳三

三

初集

大將軍譚泰征江西叛鎮金聲桓。敗其馬步兵七萬。又有僞劉總兵馬步三千餘賊。來犯正黃旗濠塹。吳沙率本固山擺牙喇助擊。敗之。金聲桓復率馬步萬餘。來犯正紅旗濠塹。吳沙同纛章京宜爾德擊敗之。賊渠王得仁。又率馬步七千餘。來犯本固山濠塹。仍擊敗之。同纛章京敦拜。往定袁州府。有賊兵一千五百餘。駐營山上。吳沙同梅勒章京吳喇禪。進擊敗其衆。七年敘功。授拖沙喇哈番世職。九年正月。

恩詔。加拜他喇布勒哈番。兼一拖沙喇哈番。十五年。委

八旗通志

卷一百四十三

名臣列傳三

三

初集

署噶喇昂邦。從征福建海賊。進攻廈門。鄭成功排列船六百餘隻於城堡。舉拒戰。吳沙率頭隊前鋒奮擊敗之。奪船一隻。斬賊兵。進逼廈門。中傷陣亡。康熙二年。議卹。加贈一等阿達哈哈番。覺羅拜三。滿洲鑲黃旗人。

景祖翼皇帝第五弟之曾孫也。天命六年。從大兵征明

攻瀋陽。斬其驍將號禿尾狼者。敵兵自遼陽南來戰。拜三奮勇進擊。又斬一副將。克遼東後。授遊擊世職。天聰元年。從征錦州。攻城有功。又率擺牙喇兵。往攻寧遠。有敵兵出城。來犯我哨卒。

拜三衝入敵陣。力戰而歿。八年議卹。贈三等梅勒章京世職。以子覺羅顧納岱承襲。

覺羅顧納岱。覺羅拜三子。天聰八年。襲父三等梅勒章京世職。崇德三年。從征明。率本甲喇兵。於山海關擊丁副將兵三千餘。敗之。直追抵豐潤縣城濠。又擊敗侯。總兵馮太監兵。往豐潤縣附近取草。遇託特退塔納哈布爾沙海。爲敵所敗。顧納岱從旁擊敗敵兵。整衆以歸。至山東攻博平縣。克之。四年論功。加世職爲一等梅勒章京。順治元年。從睿王多爾袞入山海關。同尚書鞏阿岱擊流賊馬步兵。敗之。二年敘功。加半箇前程。十月。從大兵破流賊。平定河南。於潼關埋伏前鋒。擊流賊馬步兵。隨固山額真公圖賴進戰有功。流賊夜犯我營。二次。顧納岱並督我兵敗之。二年。隨博洛貝勒往征浙江。同鄂碩追擊楊僞軍門舟師。至平湖。獲船二十五隻。至嘉興府。敵兵三千餘。水陸來戰。同固山額真韓岱擊敗之。獲船三十三隻。又同固山額真韓岱恩格圖敦對擊僞秦總兵軍。連敗之。以紅衣礮攻嘉興府。僞秦總兵率兵來戰。又擊敗之。又於蘇州

府王岡村敗敵兵。又同固山額真恩格圖馬喇希以紅衣礮攻崑山縣克之。僞秦總兵軍於平湖縣。統水陸兵駐劄。顧納岱同宜爾都奇偏俄霸朗破其營。獲船十二隻。敗僞帥王相功舟師於蕪湖。獲船三十一隻。大兵以紅衣礮攻江陰縣。顧納岱於攻破處先登克之。三年敘功。加世職爲三等昂邦章京。是年。隨豫親王多鐸征蘇尼特。追騰機思。擊敗土謝圖汗兵。又擊敗碩羅汗兵。五年。從征江西叛鎮金聲桓。至九江府。擊僞吳軍門兵三千餘敗之。隨征南大將軍譚泰攻南昌府中礮陣亡。尋議卹。加贈世職爲一等精奇尼哈番。

覺羅莫洛宏。覺羅顧納岱子。順治六年。襲父一等精奇尼哈番世職。任事勤慎。康熙十七年。從安南將軍達素。征福建海寇鄭成功。進攻廈門。奮勇力戰陣亡。加贈一拜他喇布勒哈番。

特旨授三等伯。諡剛勇。立碑墓道。文曰。稽古建業。驅策羣力。不吝爵賞。以勸有功。昭示後世。用傳不朽。所以勵忠。蓋甚備也。爾莫洛宏之祖拜三。征錦州。奮力陣亡。爾父顧納岱襲職。攻南昌府。復以奮力陣亡。克勤

入旗通志

卷一百四十三

名臣列傳三

十四

初集

王事。爾能勿替家聲。迨夫征福建時。爾禦敵衝鋒。捐
軀報國。可謂世篤忠貞者矣。朕甚嘉焉。特命勒諸貞
珉。以光泉壤。國典臣忠。庶昭垂毋斁云。

八旗通志

卷一百四十三

名臣列傳三

三五

初集

八旗通志初集卷之一百四十四

名臣列傳四

鑲黃旗滿洲世職大臣四

圖魯什碩翁科洛巴圖魯

巴世泰 子舒恕

布克沙 子貴復 覺羅色勒 子額爾德

喀喀木 父唐噶里 達素

莽伊圖 綽克託

劉之源 俄齊爾桑

八旗通志 卷一百四十四 名臣列傳四 一 初集



八旗通志初集卷之一百四十四
鑲黃旗滿洲世職大臣四
圖魯什碩翁科洛巴圖魯
巴世泰
布克沙
喀喀木
莽伊圖
劉之源
俄齊爾桑

圖魯什碩翁科洛巴圖魯滿洲鑲黃旗人。姓伊爾根覺羅氏。世居葉赫地方。天命九年。以備禦世職管牛彖事。有牧屯蒙古。逃回火集格兒。圖魯什追而擒之。十年。奉

命往海邊旅順口石山站哨探。斬殺甚多。併有俘獲。授遊擊世職。天聰三年。

太宗文皇帝親統大兵征明。十一月攻大安口城。圖魯什先衆獨至城下。視其可攻處。敵兵覺。遂來戰。圖魯什卽與力戰。克其城。大兵由遵化往北京。進發。固山額真石廷柱爲薊州兵所傷。遣往埋八旗通志

卷一百四十四

名臣列傳四

二

初集

伏擊薊州兵。陣斬敵二十二人。獲馬二十二匹。十二月。大兵營於北京城西南隅。奉

命同副將阿山往視環城敵兵。遇明經畧袁崇煥兵與戰。援出鑲黃旗被傷四人。執敵哨訊之。言北京永定門南二里有滿桂。黑雲龍。麻登雲。孫祖壽。四總兵領兵四萬。旣回

奏。言敵兵結柵四百。鎗礮十重。我兵不可憚勞。宜乘夜前進。黎明卽攻。

太宗是其言。三鼓進兵列陣。八旗兵與蒙古兩旗兵奮勇齊進。圖魯什率本甲喇兵先衆攻入。明兵大

敗陣斬滿桂孫祖壽擒黑雲龍麻登雲旋奉

命率四十人哨探通州遇兩敵將率兩燾兵自通州來

圖魯什奮擊敗之獲馬八十七匹京城北門外有敵兵駐劄圖魯什乘夜入其營斬二十三人獲馬三十四匹逸賊愛塔遣哨兵往永平圖魯什擒之因訊得愛塔所在獲而斬之以功加世職爲二等叅將緣事仍降爲備禦自永平回兵時率五十人往視邊城分五十人爲三隊留於後止率四人在城下探視有蒙古二十餘人圍

圖魯什於兩牆間環射之圖魯什奮勇衝出回

八旗通志

卷一百四十四

名臣列傳四

三

初集

視從兵皆在後復又衝入挈之以出一兵乘馬被敵射仆率明安達理擊敗敵人併援以出圖魯什勇敢善戰所至爲前鋒擒敵哨卒五年從征大凌河時同阿濟格阿格碩託阿格率兵隨太宗文皇帝擊錦州誘敵出戰大敗之明監軍道張春

率兵來援我兵與戰三晝夜聞敵渡河出圖魯

什先領擺牙喇燾衝入敗之是晚擊張春營率

擺牙喇兩燾進戰時八固山兵皆爲敵所阻遂

獨率兩燾越衆衝入大敗明兵八年五月敘功

超陞噶喇昂邦加世職爲三等梅勒章京六月

太宗親征察哈爾。

命圖魯什率噶布什賢兵。覓從前貿易遺失蹤跡。獲其原物而還。七月。圖魯什等至歸化城。遇察哈爾國。阿牙克喀塔喜木里克喇嘛寨桑古木德塞臣寨桑袞出克僧格台吉寨桑恭格濟農毛海葉爾登寨桑叟格都喇爾寨桑忒濟葉祐伊特格爾圖寨桑噶爾馬青山寨桑卓禮克圖衛寨桑等。因察哈爾汗妻高爾土門福金。率一千二百戶來降。圖魯什攜其爲首諸寨桑朝。

太宗於行在。是月毀明邊牆。入畧大同一帶。壬辰至宣

入旗通志

卷一百四十四

名臣列傳四

四

初集

化府。壬午至懷遠。圖魯什等設伏於左衛城。遇明總兵曹文詔部下騎兵二百五十人出城。奮擊敗之。斬三十八人。獲馬三十八匹。生擒四人。閏八月甲申朔。大兵至左衛城東駐營。乙酉。圖魯什往宣化府偵探。遇明總兵祖大弼哨卒十五人。單騎突入衝殺。矢中其腹。猶力戰不休。我兵繼至。斬十三人。生擒二人。圖魯什箭創危篤。

事

聞。

太宗迎視之。丁亥病創卒於軍。先是圖魯什同侍衛扈

什布等擊敗祖大弼等兵二百五十人。斬首三十四級。生擒把總一員。兵三名。獲馬三十八匹。十月。議征大同諸官功罪。

賜圖魯什碩翁科洛巴圖魯號。又以其陣亡。贈三等昂邦章京世職。以其次子巴世泰襲。順治十二年。世祖章皇帝追念開國功臣。各加諡號。

特賜圖魯什諡忠宣。

巴世泰圖魯什碩翁科洛巴圖魯次子也。天聰八年。襲父三等昂邦章京世職。任一等轄。順治七年九年。連遇

八旗通志

卷一百四十四 名臣列傳四

五

初集

恩詔。超加爲一等伯。是年蒙古侍衛索尼謀逆。忌巴世泰忠勇。乃刺死之。

世祖章皇帝特恩超授三等侯。以巴世泰長子朱蘭泰襲。朱蘭泰無嗣。以朱蘭泰弟桑格襲侯爵。仕至內大臣管鑾儀衛事。桑格子偏圖襲侯爵。累官鑾儀衛冠軍使。

巴山。滿洲鑲黃旗人。姓瓜爾佳氏。世居哈達地方。初以任事有能。授備禦世職。天聰五年。從大兵克大凌河。我國將領屯布祿戰歿。敵兵欲取其屍。巴山擊却敵兵。取屍以出。又奮入敵陣。取

出朗格等二人屍。六年。大兵往收察哈爾國遺民。出邊時。同圖爾格。在後埋伏。有敵兵來。尾我後。返擊敗之。追至城下。斬殺甚衆。崇德元年。征朝鮮。巴山同屯泰持護牌擊敵。敗之。三年。同貝勒岳託。征明。遇明侯總兵。及馮太監兵。竝率本甲喇兵。敗之。攻鉅鹿縣。督雲梯克其城。四年。敘功。加半箇前程。順治元年。從睿王多爾袞。入山海關。步戰擊流賊。敗之。二年。敘功。加世職。爲三等甲喇章京。七年。九年。三遇

恩詔。加至三等阿思哈尼哈番。出駐防江寧。有賊來攻。

八旗通志

卷一百四十四

名臣列傳四

六

初集

親率八旗兵出城擊敗之。又遣兵敗賊於北門。擊破葉山賊營。斬賊渠僞王一。僞總兵五。大敗其衆。巴山駐札江寧。八年。凡有賊警。俱率章京兵等進剿。必平定乃已。勤勞甚著。敘功。加世職。爲二等阿思哈尼哈番。康熙十二年卒。子舒恕襲職。十五年。舒恕從征陝西。叛鎮王輔臣。至平涼城北護山墩。王輔臣子王繼正。與各僞總兵。率馬步兵萬餘拒敵。舒恕隨撫遠大將軍圖海。進擊敗之。是年。隨征南將軍穆占。往湖廣。征逆藩吳三桂。至松滋縣朱家堡。敗賊三千餘。十九

年進雲南平定逆藩吳世璠。又敗僞將軍馬寶巴養元等於烏木山。竝在行間有功。二十五年議敘。加世職爲一等阿思哈尼哈番。

布克沙。滿洲鑲黃旗人。姓瓜爾佳氏。世居哈達地方。初任擺牙喇甲喇章京。駐防牛莊。往擒敵哨。遇敵兵擊敗之。崇德二年。從征皮島。同鰲拜巴圖魯乘一舟先登破敵。五年。征明圍錦州。刈取田禾。敵兵出戰。率擺牙喇十名敗敵。直抵濠邊。又擊敗杏山馬兵。追至敵步兵營。又擊敗明松山馬步兵。旋同宜爾德蘇拜往錦州埋伏。有敵兵來拒。誘而擊之。追奔至河邊。奪其纛。竝獲其馬。又同圖爾格葉克舒與敵兵戰。布克沙自右翼進。連敗之。是年敘功。授半箇前程。七年。大兵圍錦州。分兩路以進。合擊明松山馬兵。布克沙奮勇力戰。又隨大兵擊明軍門洪承疇。馬步三營。竝敗之。八年。隨貝勒阿巴泰。征明。入邊日。擊敗明馬總兵於渾河岸。有杜副將率馬步兵三千餘。立營拒渡。布克沙同纛章京鰲拜。巴圖魯敗其衆。至山東。率擺牙喇一半往畧萊州府。取蒙陰沂水二縣。八年敘功。加世職爲牛錄章

京。順治二年。從征流賊。至陝西綏德州。城內遁出馬步賊兵。布克沙率擺牙喇敗之。又敗延安府賊。直抵城門。流賊一隻虎者。率馬步賊兵自城中出。來犯我守汛。布克沙隨英親王阿濟格敗之。追流賊至湖廣武昌府。僞田國公率馬步衆來拒。奮擊敗之。至富池口。隨和碩額駙固山額真杜雷往九江。擊敗賊衆。獲賊船隻。東至池州府。往尋僞總兵黃蜚兵。獲船十二隻。三年六月。從揚威大將軍多鐸追騰吉思。聞布爾噶圖山有賊。布克沙隨博和託貝子前往。追斬二十餘人。又擊敗土謝圖汗及碩羅汗兵。四年敘功。加一拖沙喇哈番。七年九年。三遇

恩詔。加至一等阿達哈哈番。累官鑲黃旗蒙古梅勒章

京。戶部侍郎。子貴復。初任二等侍衛兼牛彖章。京。順治十六年。從征雲南。我兵圍困沅江府。有敵兵千餘。出犯我守汛蘆屯地方。貴復率本甲喇兵擊敗之。康熙十四年。從征逆藩耿精忠。至江西。敗僞余將軍於符潭浦地方。僞帥李茂珠。李復生等。率賊萬餘於建昌府城南鐘鼓山相拒。貴復力戰被傷。尋以傷發卒。二十五年敘功。

授拖沙喇哈番。以子黨色承襲。

覺羅色勒滿洲鑲黃旗人。

景祖翼皇帝之曾孫也。崇德元年。從

太宗文皇帝征朝鮮。取江華島。敵兵列舟截河。色勒率右翼兵徑渡。由固山額真阿哈尼堪船越衆前往。遂取其島。二年敘功。授牛彖章京世職。順治四年。以色勒係武功郡王禮敦巴圖魯之孫。超加世職爲一等阿思哈尼哈番。七年九年。三遇恩詔。加至二等精奇尼哈番。由肅章京梅勒章京陞固

山額真吏部侍郎內大臣。十四年卒。

八旗通志

卷一百四十四

名臣列傳四

九

初集

賜祭葬如典禮。諡勤愨。子額爾德。初任牛彖章京。崇德七年。從大兵征明。圍錦州。敗松山馬兵。又擊明軍門。洪承疇三營兵。敗之。八年。隨貝勒阿巴泰。征明。擊敗渾河岸札明兵。又擊明三河馬步兵。敗之。順治元年。從睿王多爾袞入山海關。擊流賊。追至慶都縣。以功授牛彖章京世職。七年。九年。三遇

恩詔。加至一等阿達哈哈番。緣事革職。康熙八年。承襲伊父色勒之二等精奇尼哈番。

喀喀木滿洲鑲黃旗人。姓薩哈集里氏。父名唐

噶里。世居烏喇卦爾察地方。

國初首先歸命。授備禦世職。天命六年。隨大兵平遼東。加世職爲遊擊。天聰八年。從征瓦爾喀。爲熊傷而卒。喀喀木以崇德七年襲父三等甲喇章京世職。緣事降爲牛录章京。順治元年。署梅勒章京事。管後營官兵有功。二年。加半箇前程。四年六月。以任吏部侍郎。五載考績。仍授世職。爲三等甲喇章京。七年九年。三遇。

恩詔。加至三等阿思哈尼哈番。奉

命以昂邦章京駐防江寧府。五月。

八旗通志

卷一百四十四

名臣列傳四

十

初集

特授靖南將軍。統領官兵。往征廣東逆寇。

賜之勅曰。今逆賊侵犯廣東肇慶等處地方。以爾爲靖南將軍。同梅勒章京噶來道喇。統領官兵。前赴廣東平南王尚可喜。靖南王耿繼茂處。將延擾廣東賊寇。與二王相繼剿除。其未服本省府州縣等處地方。亦與二王相繼剿撫。九月。同靖南王耿繼茂克復潮州府。捷。

聞。下部議敘。十一年。以江南浙江海寇窺伺。

世祖章皇帝特遣葉赫朱瑪喇往廣東代喀喀木爲靖南將軍。令喀喀木仍還江寧駐防。十六年。海寇

鄭成功大舉入寇。破瓜州陷鎮江。六月二十六日。徑攻江寧。喀喀木與合城文武官固守。先是海寇未薄江寧時。適有出征貴州凱旋梅勒章京噶褚哈馬爾賽等。統兵由長江東下至江寧。卽入城協防。喀喀木與總督卽廷佐及凱旋梅勒章京等密商。乘賊兵未齊集之時。卽擊其先至之船。於是六月三十日。兩路出剿。擊敗賊衆。斬級甚多。獲賊船二十艘。印二顆。至七月十二日。鄭成功至於城外。連扎八十三營。設大礮地雷。密布雲梯木柵。上下江及江北要地。悉布賊艘。勢甚猖獗。喀喀木與總督等晝夜防守。十五日。蘇松總兵官梁化鳳。統兵三千來援。杭州駐防等處援兵俱集。喀喀木等會商。賊立三營於儀鳳鍾阜二門外。當先擊之。二十三日。喀喀木親率滿兵堵禦賊營。總督及提鎮各標兵開門出剿。陣擒偽總統余新。併斬偽總兵二員。晚始收兵。次日總督守城。喀喀木等率滿兵由陸路出剿。梁化鳳等由水路出剿。五更出城。賊已據山列陣。喀喀木等率我兵奮力仰攻。大敗賊兵。生擒偽提督甘輝。併偽總兵等。斬殺無算。燒毀

賊艘五百餘隻。成功敗遁。喀喀木等順流追殺。直至海口。二十八日始回江寧。捷

聞。下部從優議敘。康熙元年。緣事降世職爲一等阿達

哈哈番。兼一拖沙喇哈番。

達素滿洲鑲黃旗人。姓張佳氏。世居蜚雅朗阿村。

國初從征有功。任擺牙喇壯尼大。尋授擺牙喇甲喇章京。天聰五年。從

太宗文皇帝征明。攻大凌河城。明兵來援。有監軍道張

春兵甚銳。夜犯

八旗通志

卷二百四十四

名臣列傳四

三

初集

大營。達素同燾章京鰲拜巴圖魯奮擊却之。旋往畧明地。收其馬羣。斬一人。崇德六年。從圍錦州。率擺牙喇兵敗明杏山馬兵。七年。復從圍錦州。擊明松山後哨兵敗之。明松山步兵三十餘人。據塔山嶺。施放鎗礮。達素同前鋒六章京衝至山上。盡斬之。又敗其松山馬兵。明軍門洪承疇馬兵由松山夜遁。達素復同前鋒六章京追擊之。溺海者無算。十一月。從豫郡王多鐸等赴寧遠。明兵來戰。達素同燾章京阿積格尼堪。擊敗之。八年十二月。從梅勒章京鄂羅塞臣等。征黑

龍江。降博和爾城。又招降昂邦噶爾他素。阿積格噶爾他素二村。順治元年。從大兵入山海關。擊流賊竝有功。二年敘功。授牛彖章京世職。六月。從征山西至太原府。敗城中步兵。至絳州。敗偽馬將官。掩殺至黃河邊。賊登舟以逃。達素督我兵射之。賊多落水死者。尋又隨英親王阿濟格追流賊至湖廣承天府。同燾章京鰲拜巴圖魯圍其城。有偽劉侯乘船五百艘。順江而東。達素駕小船追至武昌府敗之。又同燾章京哈寧阿。擊賊田惠。追至九江富池口。獲賊船七十六隻。望見對岸有李自成賊營。達素越希爾根哈寧阿軍。直前衝殺。自成奔九公山。復同尚書覺羅巴哈納。追至山頂。敗之。獲馬一百三十四。三年。從肅親王豪格。征四川流賊八大王張獻忠。至漢中府。敗賊帥何進。又隨大兵擊敗張獻忠。次日師旋。達素隨貝勒尼堪殿後。擊敗賊衆。尋敘功。加一拖沙喇哈番。三遇

恩詔。加至二等阿達哈哈番。初達素從征大同叛鎮姜瓖。擊賊於大同城下。又敗賊於右衛。已而大同兵大至。達素與察哈爾布衣圖巴圖魯。土默特

恩克折矢誓曰。予受

皇恩。若避賊離此地尺寸。卽如此矢。卽奮勇進戰。喉及兩手兩足竝中傷。遂墜馬。擺牙喇等欲負以出。達素嚙其手曰。我寧死於此。誓不離寸地。已而賊敗退。乃還。後

世祖章皇帝聞其事。嘉其忠烈。特授一等阿達哈哈番。兼一拖沙喇哈番。九年七月。隨定遠大將軍敬謹親王尼堪往征湖南。在衡州敗賊。追殺二十餘里。又率擺牙喇敗賊於山梁。貝勒屯齊遣達素往寶慶偵探賊踪。達素深入賊哨百餘里。聞

八旗通志

卷一百四十四

名臣列傳四

十四

初集

賊已遁。惟沙路口有賊設挨牌三層拒戰。卽奮擊敗之。又同固山額真圖賴阿拉善等破山上賊營。尋聞廣西桂林府賊寇搶奪全州米糧。又奪我兵馬匹。達素同固山額真拉瑪梅勒章京阿思哈等率兵往剿。斬僞副將一員。守道一員。破其衆三千。進破三寨地方。毀賊營。斬僞副將四員。守備五員。賊四千餘。遣將畧興安縣。斬僞總兵張萬祿。及僞都司一員。又聞灌陽縣土賊常霸侯率賊三千在桂林搶奪。達素遣擺牙喇甲喇章京殷達渾等往剿。斬僞道一員。僞叅將

一員守備八員。又聞距桂林府六十里兩江地方有賊。遣將往剿。斬賊將倪兆龍。擒其渠帥高秉祖。僞副將魏宗善。共安撫一府七縣。是役也。敬謹親王尼堪戰歿於衡州。軍前將佐俱獲罪。惟達素所至有功。又分剿廣西。獨免於議處。前後從征軍功甚偉。克敵至二十四次。既旋京。授燾章京。仕至內大臣。十六年六月。海寇鄭成功破鎮江瓜州。圍江寧。七月。

世祖章皇帝特命達素爲安南將軍。同固山額真索渾

燾章京賴塔等統領官兵往剿。達素率禁旅至

八旗通志

卷一百四十四

名臣列傳四

五

初集

江南。則總督郎廷佐。昂邦章京喀喀木。及提鎮等兵。已破走海賊。然海氛未靖。達素仍駐兵江南。宣諭

朝廷威德。務散其黨與。於是原從海上投誠之海澄公黃梧等。多方招徠。十八年七月。鄭逆僞都督萬儀萬祿等。擒僞中匡伯張進。僞總兵朱受折。毀所據銅山城垣房屋。率僞官一百八員。兵四千四百名。兵民家口萬餘。渡海投誠。達素具疏奏聞。下部議敘。尋以水土不習。病卒於軍。

莽伊圖。滿洲鑲黃旗人。崇德三年。從揚威大將

軍岳託征明。初入明境。敗明侯總兵。又於河西務擊敵兵敗之。進攻山東濰縣。率本甲喇兵射守陴者克其城。從貝勒多鐸攻錦州。刈民人田禾。有錦州兵突出來戰。莽伊圖率兵擊敗之。又連敗杏山松山馬步兵。六年。大兵圍錦州。莽伊圖同兩路官兵。會合左翼三旗。擊明松山兵敗之。七年。從大兵敗明經畧洪承疇三營步兵。敘功授半個前程。順治元年。入山海關。隨大兵擊流賊。追至慶都。二年敘功。加授牛彖章京世職。七年九年。三遇。

八旗通志

卷一百四十四

名臣列傳四

七

初集

恩詔。加至二等阿達哈哈番。十七年。緣事降爲三等阿達哈哈番。仕至副都統。

綽克託。滿洲鑲黃旗人。姓博爾濟吉特氏。世居西喇地方。事

太宗文皇帝。授二等侍衛。崇德六年。隨征錦州。以軍功授一等侍衛。順治元年。

定鼎燕京。任內大臣。理藩院侍郎。議政大臣。緣事革職。康熙十四年。隨征吳三桂。於陝西攻橫城。身受頭等重傷。授拜他喇布勒哈番。兼一拖沙喇哈番世職。

劉之源鑲黃旗滿洲包衣人。天聰十年三月授三等甲喇章京。世職。崇德五年。征明圍錦州。攻十五座臺。劉之源同漢軍四旗兵。用紅衣礮克之。進攻松山路臺。又克之。擊敗明松山步兵。又擊敗明杏山馬兵。七年。從大兵圍錦州。擊山嘴步兵敗之。明軍門洪承疇大隊兵。自松山城遁。駐高橋南三臺。劉之源率四旗紅衣礮前行。遇敵。斬三十人。遂攻三臺克之。殺一百三十人。又同四旗漢軍。攻克塔山城附近之臺。又攻塔山城。同漢軍四旗用紅衣礮攻之。攻破之處。論功列第四等。又攻杏山附近之臺。亦同四旗用紅衣礮克之。進攻杏山城。仍同四旗用紅衣礮攻之。攻破之處。論功列第一等。陞鑲黃旗固山額眞。崇德七年八月。議敘加世職爲二等甲喇章京。八年。從鄭親王濟爾哈朗征明。攻前屯衛中後所二城。指揮本旗用紅衣礮克之。順治元年二月。敘功加世職爲一等甲喇章京。五月。同固山額眞葉臣等征山西。攻太原府之源同葉臣等。往視攻城之處。城內步兵出城來戰。擊敗之。旋指揮用紅衣礮攻克其城。又同固山額眞覺

八旗通志

卷一百四十四

名臣列傳四

七

初集

羅巴哈納等。招服四十三城。同葉臣等招服二十三城。二年。追流賊至湖廣。有僞毛總兵率四千餘賊。犯應山縣。同固山額真巴顏墨爾根侍衛李國翰。祖澤潤等。共擊敗之。有僞馬總兵已降。復帶船六百隻叛去。之源同固山額真金礪。追至武昌府。奪其船四十隻。又有常副將帶船二百隻。叛往湖泊。亦同固山額真墨爾根侍衛李國翰。梅勒章京譚拜。追獲船一百七十隻。三年四月。敘功加半箇前程。六年。以定南將軍。隨鄭親王濟爾哈朗。征湖廣流寇。至洪江地方。同尚書阿哈尼堪。擊僞帥袁中第兵萬餘敗之。又僞軍門王承祚兵。列於西門地方。同固山額真金維城擊敗之。七年九年。三遇

恩詔。加至一等阿思哈尼哈番。又一拖沙喇哈番。十一

年。隨寧海大將軍宜爾德。征浙江舟山僞魯王。於橫水洋。擊僞伯阮進等敗之。之源陣斬阮進。又同固山額真金礪。攻舟山城。指揮將士。以雲梯攻擊克之。凱旋。敘功加世職。爲三等精奇尼哈番。十六年。任鎮海將軍。駐防鎮江。尋加太子太保。康熙三年。乞休歸。尋卒於家。子光襲世職。

八旗通志

卷一百四十四

名臣列傳四

六

初集

仕至鑲黃旗都統卒。次子邦柱襲世職。仕至浙江提督。

俄齊爾桑滿洲鑲黃旗人。原係札魯忒貝子。國初收服蒙古時。俄齊爾桑率屬來歸。授備禦世職。從征董夔陣斬敵一人。獲其人畜。從大兵征明北京。遇薊州步兵。同楊古利額駙首先衝陣。天聰六年。攻錦州時。擊大凌河兵敗之。八年。敘功加爲三等甲喇章京。順治三年。敘羣臣舊功。超加俄齊爾桑爲三等梅勒章京。

八旗通志

卷二百四十四

名臣列傳四

九

初集

